

Hardin (Hydroponics Farm) den Lago Colony



For di dia 20 di maart 1945 un hardin (Hydroponics Farm) a wordo estableci den Lago Colony cu de bes encuando lo produci un cantidad di berdura fresco duradero pa vende den e comisario di Lago. E hardin tabata uno cu no tabata uza tera of gordura. E meta di e hardin tabata pa produci localmente berduranan fresco manera tomati, lechuga y un cantidad limita di otro berduranan pa empleadonan di Lago y amigonan. E cosecha ta duna un cantidad di berdura mas fresco cu esunnan cu ta bin for Merca. Esaki endudablemente lo elimina e posibilidad di productonan daña. E metodo aki di e cultura di uza piedra chikito (garna) enbes di tera of gordura ta wordo uza pasobra condicionnan local ta haci trabou di hardin cu truck yena cu gordura mucho mas facil. Scarcedad di gordura y awa combina cu calor excesivo y abundancia di insecto ta haci e cultura di gordura ordinario casi imposibel. Sinembargo, un condicion sin tera of gordura por wordo controla. E metodo di no uza tera of gordura ta facilita e uzo di bakinan bon pa wanta e awa y tambe yena cu e piedra garna unda e mata ta wordo planta. E matanan ta wordo fertilisa door di pasa un solucion di kimico door di e piedranan. Ta for di e solucion aki mes cu e matanan ta tuma nan vitamina. Naturalmente tin cierto tipo di cuminda cu no por crece aki, pero e tiponan cu por, ta tomati, lechuga, spinashi, bonchi, berehein y carot. Na aña 1945 tabatin plan pa haci e hardin mas grandi y produci un variedad mas grandi di berdura.

Criadero di Galiña



Den Lago Colony tabatin tambe un criadero di galiña (Chicken Farm) di Sr. Richard Faunce y su señora Annie na aña 1930. Pero esaki no tabata pa haci negoshi, si bo wak su tamaño, pero simplemente como un hobby pa produci webo pa famia y amigonan.

Dufi Kock

Escritor y Historiado

Savaneta 125-F

Tel: 584-1201

Cel: 592-9417

Dufikock@gmail.com

Lid in de Orde van Oranje Nassau 2006